

На утрени въ поетъ

Ал-ли-лу-и-я, Аллилуия, Ал-ли-лу-и-я

Понедельник

Свят, Свят, Свят еси Боже наш, предстательства бесплотныхъ Твоихъ, помилуй насъ

Вторник

Свят, Свят, Свят еси Боже наш, молитвами Предтечи Твоего помилуй насъ

Среда и пятн!

Свят, Свят, Свят еси Боже наш, силою Креста Твоего сохрани насъ Господи

Четверг

Свят, Свят, Свят еси Боже наш молитвами св. Апостолъ Твоихъ и святит. Николая, помилуй насъ

2

Свят, Свят, Свят еси Боже наш, молитвами всех святых Твоих помилуй нас

3

Свят, Свят, Свят еси Боже наш, Богородицею помилуй нас

Ѧа кафисмаѧ


Г.п., Г.п., Г. помилуй Слава Отцу и Сыну и Святому Ду - ху

ТРИЗЫ:

И ныне... во веки веков. Аминь Аллилуия, Ал.; Ал., слава Тебе Боже,

Г.п., Г.п., Господи помилуй Слава Отцу и Сыну и Святому Ду-ху.

Песнь первая



Господеви поем, славно бо прославися, коня и всадника вверже в море

Помощник и покровитель бысть мне во спасение, Сей мой Бог, и прославлю Его, Бог Отца моего, и вознесу Его.

Господь сокрушая брани, Господь имя Ему, колесницы фараоновы, и силу его вверже в море.

Избранныя всадники тристаты потопи в Чермнем мори.

Пучиною покры их, погрязоша во глубине, яко камень.

Десница Твоя, Господи, прославися в крепости, десная Твоя рука, Господи, сокруши враги, и множеством славы Твоя стерла еси сопротивных.

Послал еси гнев Твой, пояде я яко стеблие, и духом ярости Твоя разступися вода.

на 14: Огустеша яко стена воды, огустеша и волны посреде моря.

Рече враг: гнав постигну, разделю корысть, исполню душу мою, убью мечем моим, господствовать будет рука моя.

Послал еси дух Твой, покры я море, погрязоша, яко олово, в воде зельней.

Кто подобен Тебе в бозех, Господи? кто подобен Тебе, прославлен во святых, дивен, славно творяи чудеса?

Простерла еси десницу Твою, пожре я земля, наставил еси правдою Твоею люди Твоя сия, яже избавил еси.

Утешил еси крепостию Твоею во обитель святую Твою.

Слышаша языцы и прогневашася, болезни приаша живущии в Филистиме.

на 8: Тогда потщася владыки едомстии, и князей Моавитских прият я трепет, растаяша вси живущии в Ханаане.

Нападет на ня страх и трепет, величием мьшцы Твоя да окаменятся.

на 6: Дондеже пройдут людие Твои, Господи, дондеже пройдут людии Твои сии, яже стяжал еси.

Введ, насади я в гору достояния Твоего, в готовое жилище Твое, еже соделал еси, Господи, святыню, юже уготовасте руке Твои.

на 4: Господь царствующий веки, и на век, и еще, егда вниде конь фараонов с колесницами и всадники в море.

И наведе на ня Господь воду морскую: сынове же Израилевы приидоша сушею посреде моря.

Слава Отцу и Сыну и Святому Духу.

И ныне и присно и во веки веков. Аминь.

Песнь вторая

Вонми, Небо, и возглаголю, и да слышит земля глаголы уст моих.
Дачает яко дождь вещание мое, да снидут яко роса глаголи мои.
Яко туча на трюскот, и яко иней на сено, яко имя Господне
 призвах, дадите величие Богу нашему.
Бог, истинна дела Его, и вси путие Его суд.
Бог верен, и несть неправды в Нем, праведен и преподобен Господь.
Согрешаши, не того чада порочная: роде строптивый и развращенный,
 сия ли Господеви воздаете?
Сии людие бчи и немудри, не сам ли сей Отец твой стяжа тя, и
 сотвори тя, и созда тя?
Помяните дни вечныя, разумеите лета рода родов.
Вопроси отца твоего, и возвестит тебе, старцы твоя, и рекут ти.
Егда разделяше Вышний языки, якоже разсея сыны Адамовы.
Постави пределы языков по числу ангел Божиих.
И бысть часть Господня, людие Его Иаков, уже наследия Его Израиль.
Чудовли Его в пустыни, в жажди зноя в безводней.
Обыде его, и наказа его, и сохрани его, яко зеницу ока.
Яко орел покры гнездо свое, и на птенцы своя возжелé.
Простер крилé свои, и прият я, и подъят я на раму своюю.
Господь един вождаше я, и не бе с ними бог чуждъ.
Возведе я на силу земли, насытити я жит сельных.
Ссаше мед из камене, и елеи от тверда камене.
Масло кравие, и млеко овчье, стуком пшеничным, и кровь гроздову
 пияху вино.
И яде Иаков, и насытися, и отвержеса возлюбленный.
Чты, чтолсте, разшире, и остави бога сотворшаго его, и отступи
 от бога спаса своего.
Прогневаша Мя о чужих, и в мерзостех своих преогорчиша Мя.
Пожроша бесовом, а не Богу, богом, ихже не ведеша, нови и секретни
 приидоша, ихже не ведеша отцы их.
Бога рождшаго тя оставил еси, и забыл еси бога питающаго тя.
И виде Господь, и возревнова, и раздражися за гнев сынов их и дочерей.
И рече: отвращу лице Мое от них и покажу, что будет им напоследок.
Яко род развращен есть, сынове имже несть веры в них.
Тии раздражиша Мя не о бозе, прогневаша Мя во идолах своих.
И аз раздражу я не о языке, о языке же неразумливе прогневаю я.
Яко огонь возгорится от ярости Моея, разжется до ада преисподняго.

Снесть землю и жита ея, попалит основание гор.
Соберу на них злая, и стрелы Моя скончаю в них.
Тающе голодом, и снедь птиц, и гроб неисцелен.
Зубы зверей, пошлю в ня, с яростию пресмыкающихся по земли.
От вне безчадит я мечь, и от храмов их страх: юноша с девою,
 сущее с совершенным старцем.

Рех: разсею я, уставлю же от человек память их.

Аще не за гнев врагов, да не долголетствуют, и да не налягут
 супостати.

Да не рекут: рука наша высока, и не Господь сотвори сия вся...

Яко язык погубивый совет есть, и несть в них художества.

Не смыслиша разумети сия вся, да примут во грядущее лето.

Како поженет един тысящи, и два двигнетатымы, аще не Бог
 отдаст я, и Господь предаст я?

Не суть бо бози их, яко Бог наш: врази же наши неразумливи.

От виноградов бо содомских виноград их, и розга их от Гоморры.

Грозд их, грозд желчи, грозд горести их.

Ярость змиев вино их и ярость аспидов неисцельна.

Не сия ли вся собращася у Мене и запечатлешася в сокровищах Моих?

В день отмщения воздам, во время внигда соблазнится нога их.

Яко близ день погивели их, и предстоят готовая вам.

Яко судит Господь людем Своим, и о рабех Своих умолен будет.

Виде боя разслаблены и истаявшая во время, и изнемогаша.

И рече Господь: где суть бози их, ихже уповаша на ня? ихже тук
 жертв их ядясте, и пиясте вино треб их?

Да воскреснут и помогут вам, и будут вам покровители.

Видите, видите, яко аз есмь, и несть бог разве Мене.

Аз убью, и жити сотворю: поражу, и аз исцелю: и несть, иже
 измет от рукю Моею.

Яко воздвигну на небо руку Мою, и кленуся десницею Моею, и реку: живу аз во веки.

Яко поострю, яко молнию, мечь Мой, и примет суд рука Моя.

И воздам мечь врагом, и ненавидящим мя воздам.

Упою стрелы Моя от крове, и мечь Мой снесть мяса.

От крове язвенных, и пленения, от глав князей языческих.

Возвеселитесь небеса купно с Ним, и да поклонятся Ему вси ангели Божи.

Возвеселитесь языцы с людьми Его, и да укрепятся Ему вси сынове Божи.

Яко кровь сынов Своих отмщает и отмстит: и воздаст мечь врагом,
 и ненавидящим Его воздаст.

И очистит Господь землю людей Своих.

Слава Отцу и Сыну и Святому Духу.

И ныне и присно и во веки веков. Аминь.

Песнь третья

Утвердися сердце мое во Господе, вознесся рог мой о Бозе моем, разширишася уста моя на враги моя, возвеселихся о спасении Твоем.

Яко несть свят, яко **Гдѣ**, и несть праведен, яко Бог наш: и несть свят паче Тебе.

Не хвалитесь и не глаголите высокая в гордыни, ниже да изыдет велеречие из уст ваших.

Яко Бог разумов Господь, и Бог уготовляяй начинания Своя.

на 14: **Д**ук сильных изнеможе, и немощствующии препоясашася силою.

Исполненнии хлебов лишишася, и алчущии пришельствоваша землю.

Яко неплоды роди седмь, и многая в чадех изнеможе.

Господь мертвит, и живит, низводит во ад, и возводит.

Господь убожит и богатит, смиряет и высит, возставляет от земли убога, и от гноища воздвизает нища.

Посадити его с могущими людей, и престол славы наследуя ему.

на 8: **Д**аяй молитву молящемуся, и благослови лета праведнаго.

Яко не укрепляется силен муж крепостию своею, Господь немощна сотвори супостата его, Господь Свят.

на 6: **Д**а не хвалится премудрый премудростию своею, и да не хвалится сильный силою своею, и да не хвалится богатый богатством своим.

Но о сем да хвалится хваляйся, еже разумети и знати Господа, и творити суд и правду посреде земли.

на 4: **Г**осподь взыде на небеса, и возгреме, Той судит концем земли, Праведен Сый.

И даст крепость царю нашему, и вознесет рог Христа Своего.

Слава Отцу и Сыну и Святому Духу.

И ныне и присно и во веки веков. Аминь.

Песнь гетверта

Господи, услышах слух Твой, и убояхся. Господи, разумех дела Твоя, и ужасохся.

Посреде двою животну познаи будещи. Внегда приближитися летом, познаешися. Внегда приити времени, явишися. Внегда смутитися души моеи во гневе, милость Твою помянеши.

Бог от юга придет, и святыи из горы приосененныя чащи.

Покры Небеса добродетель Его, и хвалы Его исполнь земля.

И сияние Его яко свет будет, рози в руках Его, и положи любовь державну крепости Своей.

Пред лицем Его предидет слово, и изыдет на поле за пяту Его.

Ста, и подвижеся земля. Призре, и растаяша языцы.

Стрышася горы нудею, растаяша холми вечнии, шествия вечная их, за труд видеша.

Селения Ефиопская убоятся, и кровы земли Мадямския.

Еда в реках прогневаешися, Господи? еда в реках ярость Твоя: или в мори устремление Твое?

Яко всядеши на кони Твоя, и еждение Твое спасение.

Наляца налячеша лук Твой на скиптры, глаголет Господи.

Реками разсядется земля, узрят Тя, и побоят людие.

Расточая воды шествия: даде бездна глас свой, высота привидения своя.

Воздвижеся солнце, и луна ста в чине своем.

Во свет стрелы Твоя пойдут, в блистании молнии оружий Твоих.

Прещением умалиши землю, и яростию низложиши языки.

Изшел еси на спасение людей Твоих, спасти помазанныя Твоя пришел еси.

на 14: **В**ложил еси во главы беззаконных смерть, воздвигл еси узы, даже до выи в конец.

Разсекл еси во изступлении главы сильных, стрясутся в ней. Разверзут узды своя, яко снедаяи нищий тай.

И возвел еси на море кони Твои смущающия воды многи.

Сохранихся, и убояся сердце мое, от гласа молитвы устен моих.

И вниде трепет в кости моя, и во мне смятеся крепость моя.

Почию в день скорби моея, да възыду в люди пришельствия моего.

п. 4

на 8: **З**ане смо́ковь не плодопринесёт, и не будет рóда в лоза́х.

Солжёт дело ма́слиное, и поляне сотворят я́ди.

на 6: **О**скудеша овцы от пищи, и не будет волов при я́слех.

Аз же о Господе возра́дуюся, возвеселюся о Бозе, Спасе моем.

на 4: **Г**осподь бог мой, сила моя, и учини́т нозе мои на совершение.

И на высокая возводит мя, победити ми в песни Его.

Слава Отцу и Сыну и Святому Духу.

И ныне и присно и во веки веков. Аминь.

Песнь псалма

От нощи утренюет дух мой к Тебе Боже, зане свет повеления Твоя на земли.

Правде научитесь живущии на земли.

Преста бо нечестивый, не научится правде, на земли истины не сотворит.

Да возмется нечестивый, да не видит славы Господни.

Господи, высока Твоя мьшца, и не ведеша, разумеюще же постыдятся.

на 14: Зависть примет люди ненаказанныя, и ныне огонь супостаты пояст.

Господи Боже наш, мир даждь нам, вся бо воздал еси нам.

Господи Боже наш, стяжи ны, Господи, разве Тебе иного не вемы, имя Твое именуем.

Мертвии же живота не имут видети, ниже врачеве воскресят.

Сего ради навел еси, и погубил, и взял еси всяк мужеск пол их.

Приложи им зла Господи, приложи зла славным земли.

на 8: Господи, в скорби помянухом Тя, в скорби мале наказания Твое нам.

И яко болящая приближается родити, и в болезни своей вопияше, тако быхом возлюбленному Твоему.

на 6: Страх ради Твоего Господи, во чреве прияхом, и поболехом, и родихом дух спасения, егоже сотворихом на земли.

Не падем, но падут живущии на земли.

на 4: Воскреснут мертвии, и востанут иже во гробех, и возвеселятся иже на земли.

Роса бо, яже от тебе, исцеление им есть: земля же нечестивых падет.

Слава Отцу и Сыну и Святому Духу.

И ныне и присно и во веки веков. Аминь.

Песнь шестая

Возопих в скорби моей ко Господу Богу моему, и услыша мя.

Из чрева адава вопль мой, услышал еси глас мой: отвергла еси во глубины сердца морского, и реки обыдоша мя.

Вся высоты Твоя, и волны Твоя на мне преидоша.

И аз рех: отринухся от очию Твоею, еда приложу призрети ми к храму святому Твоему.

Возлияся вода до души моя, бездна обыде мя последняя.

на 8: Понре глава моя в разсели гор, снидох в землю, еяже верей ея заклеи вечныя.

И да взыдет из истления живот мой к Тебе, Господи, Боже мой.

на 6: Внегда скончаватися от мене души моей, Господа помянух.

И да придет к Тебе молитва моя, к храму святому Твоему.

на 4: Хранящий суетная и ложная, милость свою оставиша.

Аз же со гласом хваления и исповедания пожру Тебе, елика обещах, воздам Тебе во спасение мое, Господеви.

Слава Отцу и Сыну и Святому Духу.

И ныне и присно и во веки веков. Аминь.

Песнь седьмая

Благословен еси Господи Боже отец наших, и хваально и прославлено имя Твое во веки.

Яко праведен еси о всех, яже сотворил еси нам.

И вся дела Твоя истинна, и прави путие Твои, и вси суди Твои истинни.

И судьбы истинны сотворил еси по всем, яже навел еси на ны, и наград святыи отец наших Иерусалим.

Яко истинною и судом навел еси сия вся на ны, грех ради наших.

Яко согрешихом и беззаконновахом отступити от тебе, и прегрешихом во всех.

И заповедей Твоих не послушахом, ниже соблюдохом, ниже сотворихом, якоже заповедал еси нам, да благо нам будет.

И вся яже сотворил еси нам, и вся елика навел еси нам, истинным судом сотворил еси.

И предал еси нас в руки врагов беззаконных, мерзких отступников, и цареви неправедну и лукавнейшу паче всея земли.

И ныне несть нам отверсти уст, студ и поношение быхом рабом Твоим, и чтушим Тя.

Не предаждь же нас до конца, имене Твоего ради, и не разори завета Твоего.

И не остави милости Твоея от нас, Авраама ради возлюбленного от Тебе, и за Исаака раба Твоего, и Израиля святого Твоего.

Имже глагола еси умножити семя их, яко звезды небесныя, и яко песок при край моря.

Яко Владыко, умалихомся паче всех язык, и есмы смиренни по всей земли днесь грех ради наших.

И несть во время сие начальника, и пророка, и вождя, ниже всесожжения, ниже жертвы, ниже приношения, ниже кадила, ни места, еже пожрети пред Тобою, и обрести милость.

Но душою сокрушенною, и духом смиренным, да прияти будем.



п. 7.

Яко во всесожженных овних и юнчих, и яко во тьмах агнец тучных, тако да будет жертва наша пред тобою днесь, и да совершится по тебе, яко несть студа уповающим на тя.

И ныне возследуем всем сердцем, и боимся тебе, и ищем лица твоего.

Не посрами нас, но сотвори с нами по кротости твоей, и по множеству милости твоея.

И изми нас по чудесем твоим, и даждь славу имени твоему Господи.

И да посрамятся вси являющии рабом твоим злая, и да постыдятся от всякия силы, и крепость их да сокрушится.

И да разумеют, яко ты еси Господь Бог един, и славен по всей вселенней.

И не престаша влагающии я слуги царевы, жгуще печь наффою, и смолою, и изгребми, и рождием.

на 14: **И** разливаешься пламень над пещию, на лакти чотыредесять девять.

И обыде и пожже, яже обрете о пещи халдейстей.

Ангел же Господень сниде купно с сущими о азарии в пещь.

И оттрясе пламень огненный от пещи.

И сотвори среднее пещи, яко дух росы шумящ, и не прикоснуса их отнюд огонь, ни оскорби, ниже стужи им.

Тогда трие яко единеми усты, пояху, и благословляху, и славлыху Бога в пещи, глаголюще:

на 8: **Б**лагословен еси Господи Боже отец наших, и препетый и превозносимый во веки.

И благословено имя славы твоея святое, препетое и превозносимое во веки.

на 6: **Б**лагословен еси в храме святая славы твоея, препетый и превозносимый во веки.

Благословен еси видяи бездны, седяи на Херувимех, препетый и превозносимый во веки.

на 4: **Б**лагословен еси на престоле славы Царствия твоего, препетый и превозносимый во веки.

Благословен еси на тверди небесней, препетый и превозносимый во веки.

Слава...

И ныне...

Песнь осмаа

Благословите вся дела Господня Господа, пойте и превозносите Его во веки.

Благословите ангели Господни, небеса Господня Господа, пойте и превозносите Его во веки.

Благословите воды вся, яже превыше небес, вся силы Господни Господа, пойте и превозносите Его во веки.

Благословите солнце и месяц, звезды небесныя Господа, пойте и превозносите Его во веки.

Благословите всяк дождь и роса, вси дуси Господа, пойте и превозносите Его во веки.

на 14: **Благословите** огонь и вар, студ и зной Господа, пойте и превозносите Его во веки.

Благословите росы и иней, леди и мраз Господа, пойте и превозносите Его во веки.

Благословите сланы и снези, нощи и дние Господа, пойте и превозносите Его во веки.

Благословите свет и тьма, молния и облацы Господа, пойте и превозносите Его во веки.

Благословите земля, горы и холми, и вся прозябающая на ней Господа, пойте и превозносите Его во веки.

Благословите источники, моря и реки, кити и вся движущаяся в водах Господа, пойте и превозносите его во веки.

на 8: **Благословите** вся птицы небесныя, звериа и вси скоти Господа, пойте и превозносите Его во веки.

Благословите сынове человечестии, да благословит Израиль Господа, пойте и превозносите Его во веки.

на 6: **Благословите** священницы Господни, раби Господни Господа, пойте и превозносите Его во веки.

Благословите дуси и души праведных, преподобнии и смиреннии сердцем Господа, пойте и превозносите Его во веки.

на 4: **Благословите** Анания, Азария, Мисаил Господа, пойте и превозносите Его во веки.

Благословите Апостоли, пророцы и мученицы Господни Господа, пойте и превозносите Его во веки.

Благословим Отца и Сына и Святаго Духа Господа.

И ныне и присно и во веки веков. Аминь.

Хвалим, благословим, покланяемся Господеви, поюще и превозносяще во вся веки.

Песнь Богородицы

образец 1

стих:

Величит душа моя Господа, и возрадовася дух мой о Бозе, Спасе моем

припев:

Честнейшую Херувим и славнейшую без сравнения Серафим, без истления

Бога Слова рождшую, Сущую Богородицу Тя велича - ем

Яко призре на смирение рабы Своея, се бо отныне ублажат Мя вси роди.
 Яко сотвори Мне величие Сильный, и свято Имя Его, и милость Его в роды родов боящимся Его.
 Сотвори державу мышцею Своею, расточи гордыя мыслию сердца их.
 Низложи сильныя со престол и вознесе смиренныя, алчущия исполни благ и богатящияся отпусти тщи.
 Восприят Израиля, отрока Своего, помянути милости, якоже глагола ко отцем нашим, Аврааму и семени его даже до века.

образец 2

Величит душа... .. о Бозе Спасе моем | Честнейшую... .. Сущую Богородицу Тя велича-ем

Песнь Дева́тая

Благословен Господь Бог Израилев, яко посети и сотвори избавление людем Своим.

И воздвиге рог спасения нам, в дому Давидове отрока Своего.

Якоже глагола усты святых сущих от века пророк Его.

Спасение от враг наших, и из руки всех ненавидящих нас.

Сотворити милость со отцы нашими, и помянути завет святыи Свой.

на 8: **К**лятву, еуже клятса ко Аврааму отцу нашему, дати нам без страха из руки враг наших избавльшимся.

Служити ему преподобием и правдою пред ним вся дни живота нашего.

на 6: **И** ты отроча пророк Вышняго наречешися; предъидеши бо пред лицем Господним, уготовати пути Его.

Дати разум спасения людем Его, во оставление грех их, милосердия ради милости Бога нашего.

на 4: **В** нихже посети нас восток с высоты, явитися во тьме и сени смертней сидящим.

Направити ноги наша на путь мирен.

Слава Отцу и Сыну и Святому Духу.

И ныне и присно и во веки веков. Аминь.

На III гесе

Глас 6 Обиход

Завтра услыши глас мой Царю мой и Бо--же мой

ТРИЖДЫ

Иерей: „СЛАВА“... Чтец: „И ныне. Что Тя наречем“...

Хор: (подважды)

Стопы моя направи по словеси Твоему и да не обладает мною всякое беззакон-

2. -ние Избави мя от клеветы человеческия и сохранию заповеди Тво-я.

3. Лице Твое просвети на раба Твоего и научи мя оправданием Твоим 4. Да исполнятся

уста моя хваления Твоего, Господи, яко да воспую славу Твою весь день великолепие Твое

ТРИЖДЫ

НА 1-м часе

Глас 6 Болгарского распева

3 АУТРА УСЛЫШИ ГЛАС МОЙ ЦАРЮ МОЙ И БОЖЕ МОЙ

Иерей: „СЛАВА“... Чтец: „И ныне. Что ты наречем“...

ХОР: (по дважды)

1. СТОПЫ МОЯ НАПРАВИ ПО СЛОВЕСИ ТВОЕМУ И ДА НЕ ОБЛАДАЕТ МНОЮ ВСЯКОЕ БЕЗЗА-

2. -КОННЕ. ИЗБАВИ МЯ ОТ КЛЕВЕТЫ ЧЕЛОВЕЧЕСКИЯ, И СОХРАНЮ ЗАПОВЕДИ ТВОЯ.

3. ЛИЦЕ ТВОЕ ПРОСВЕТИ НА РАБА ТВОЕГО И НАУЧИ МЯ ОПРАВДАНИЕМ ТВОИМ

4. ДА ИСПОЛНЯТСЯ УСТА МОЯ ХВАЛЕНИЯ ТВОЕГО, ГОСПОДИ, ЯКО ДА ВОСПОЮ

СЛАВУ ТВОЮ, ВСЬ ДЕНЬ ВЕЛИКОЛЕПИЕ ТВОЕ (ТРИЖДЫ)

В конце 1^{го} гласа

Обиход

Иерей: „Христе, Свете истинный“..

Взбранной Воеводе... ..дазовем Ти: Радуйся Невесто Невестная

Иерей: „СЛАВА Тебе, Христе Боже“..

СЛАВА... и ныне... Аминь. Г.п., Г.п., Г.помилуй Святейший владыко благослови

Многолетствие.

Великого Господина и отца нашего Пимена, Святейшаго Патриарха

Московского и всея Руси... ..и вся православныя христианы, Господи

сохрани их на многая ле-та Ис полла э-ти, дес-по-та